

Ceir llawer o ddryswch a gwybodaeth anghywir ynghylch Cynnis Gofal Plant Cymru. Mae Cyngor Sir Penfro wedi llunio'r canllawiau isod er mwyn helpu chwalu rhai o'r mythau mwyaf cyffredin ynghylch Cynnis Gofal Plant Cymru.

Myth: Rhaid i rieni weithio 16 awr neu fwy yr wythnos er mwyn bod yn gymwys ar gyfer y cynnis 30 awr.

Ffaith: Nid oes gan gymhwysra ar gyfer y 30 awr unrhyw beth i'w wneud â nifer yr oriau a weithir; mae cymhwysra yn seiliedig ar enillion. Rhaid i rieni ennill yr hyn sy'n gyfwerth ag 16 awr ar yr isafswm cyflog cenedlaethol neu'r cyflog byw cenedlaethol (yn dibynnu ar eu hoedran). Ar hyn o bryd, mae hyn tua £115 yr wythnos (yr un, mewn cartref â dau riant) yn achos y sawl sy'n ennill y 'cyflog byw cenedlaethol' h.y. yn 25 oed neu'n hŷn, a thua £111 yr wythnos yn achos y sawl sy'n ennill yr isafswm cyflog cenedlaethol. Mae hyn yn golygu, os yw rhiant yn ennill, dyweder, £120 yr wythnos ond yn gweithio chwe awr yn unig, byddant yn dal yn gymwys ar gyfer y cynnis 30 awr. Mae'r terfyn enillion uchaf (£100,000) yn berthnasol i'r naill a'r llall o'r ddau riant, felly byddai cartref ag incwm deuol o £199,995 yn dal yn gymwys ar gyfer y cynnis o 30 awr. Mae rhagor o wybodaeth am gymhwysra ar gael yn ein canllaw sydd am ddim.

Myth: Ar ôl i rieni ddewis eu darparwr gofal plant yn eu cais, ni allant newid neu ychwanegu darparwyr.

Ffaith: Os bydd amgylchiadau'n newid ac yr hoffech newid eich oriau neu newid/ychwanegu darparwyr gofal plant, **gellir** newid hynny'n hawdd. Cysylltwch â Cheredigion (sef yr awdurdod gweithredu) ar 01545 570881 gyda'ch cyfeirnod wrth law a'ch newidiadau, a bydd y tîm yn gallu diweddarau'ch cais.

Myth: Gall rhieni fanteisio ar y cynnis dim ond hyd at yr adeg y cynnigir lle addysg amser llawn iddynt.

Ffaith: Pan fydd plentyn yn cael cynnis lle addysg amser llawn cyn y mis Medi ar ôl eu pen-blwydd yn bedair oed (e.e. y diwrnod neu'r tymor ar ôl eu pen-blwydd yn bedair oed), mae'r plentyn hwnnw'n dal yn gymwys i dderbyn 30 awr yr wythnos o ddarpariaeth wyliau hyd at y mis Medi ar ôl eu pen-blwydd yn bedair oed. Mae hyn er mwyn sicrhau bod pob rhiant cymwys yn derbyn yr un cynnis, ac er mwyn osgoi cosbi rhieni sy'n manteisio ar le addysg amser llawn ar gyfer eu plentyn cyn y mis Medi ar ôl iddynt droi'n 4 oed.

Myth: Daw cymhwystra rhieni ar gyfer y cynnis i ben ar unwaith os byddan nhw'n colli eu swydd.

Ffaith: Bwriad y cynnis yw cefnogi rhieni sy'n gweithio ac annog rhieni i ddychwelyd i'r gwaith neu i gynyddu eu horiau. Weithiau, gall teuluoedd golli eu cymhwystra ar gyfer y cynnis. Mae'n debygol mai un o'r rhesymau mwyaf cyffredin yn hyn o beth yw pan fydd un neu'r ddau riant yn colli eu swydd neu pan fydd eu horiau'n cael eu gostwng yn is na'r gofyniad sylfaenol. Er mwyn darparu sefydlogrwydd i blant ac i ddarparwyr gofal plant, a rhoi cyfle i rieni ddod yn gymwys unwaith eto, bydd teuluoedd sy'n colli eu cymhwystra yn parhau i allu cael mynediad i'r cynnis am gyfnod cyfyngedig o amser. Os bydd rhiant yn colli cymhwystra, rhoddir cyfnod eithrio dros dro o 8 wythnos pryd y gallant barhau i gael mynediad i'r cynnis.

Myth: Ni allaf dderbyn y Cynnis os wyf yn derbyn credydau treth gwaith.

Ffaith: Ni fydd derbyn y Cynnis yn effeithio ar hawl eich teulu i dderbyn credydau treth gwaith, a gallwch gael mynediad i'r Cynnis ac i greydau treth ar yr un pryd. Mae credydau treth gwaith yn cael eu cyfrif yn ôl incwm ac amcangyfrif o gostau gofal plant. Gall derbyn y Cynnis arwain at gynnydd yn eich incwm (os gallwch weithio rhagor o oriau, er enghraifft) neu ostyngiad yn eich costau gofal plant, sy'n golygu y gallai fod gostyngiad yn swm y credydau treth a dderbyniwch.

Myth: Er mwyn cael mynediad i'r Cynnis Gofal Plant, mae angen i'm plentyn gael mynediad i'w haddysg gynnar

Ffaith: Nid yw'n ofynnol i rieni ddefnyddio eu hawl i addysg gynnar er mwyn cael mynediad i elfen gofal plant y cynnis. Fodd bynnag, bydd eu hawl yn cynnwys yr oriau hyn p'un a ydynt yn eu defnyddio ai peidio. Er enghraifft, yn Sir Benfro, bydd gennych hawl i 20 awr o ofal plant wedi'i ariannu.

Myth: Ni allaf ddefnyddio talebau di-dreth ar yr un pryd â hawlio'r Cynnis Gofal Plant

Ffaith: Gall rhieni ddefnyddio talebau di-dreth ar gyfer unrhyw oriau gofal plant ychwanegol yn unig.

Myth: Gallaf fanteisio ar y Cynnis Gofal Plant cyn gynted ag y bydd fy mhlentyn yn dair oed

Ffaith: Daw eich plentyn yn gymwys ar gyfer y Cynnis Gofal Plant o'r tymor yn dilyn pen-blwydd eich plentyn yn dair oed. Er enghraifft, os bydd eich plentyn yn dair oed ym mis Gorffennaf, byddwch chi'n gymwys o fis Medi.